



TOPHPHIYA MALAATA DOONA

Tamaare Maxaafe

Issantho Kifile

Efedire Timirtte Ministteren Amaaratho Doonan Shiiqidi Dugeha Zarenne Zang-gaara Deretan Killile kawotetha Biiron Gaamma Goofa Zoone Timirtte Kaalection Gamotho Doonan Giigethidi Shiishshidayssa.

Giigissi Birshshidayssi:

- ◆ Chuga Sintayehu

Xxeellidayssi

- ◆ Daanna Asefa Guta

Diizayinachch:

- ◆ Siisaayi Taagassa Buusooro

Ha maxaafey EFEDIRE Timirtte Ministteren Amaaratho Doonan giigidi Dugeha Tophphiyan Killile kawotethan Tekinike Maadon Gaammo Goofa Timirtte Kaalection Gamotho doonan mayssidi /giigissidayssa gidishin attamo keso dandda7idayssi Dugeha Tophphiya Timirtte biironakko.

Ha maxaafe seerawa duuqo keeththaway 2010m.l. EFEDIRE Timirtte Ministteren Dugeha Tophphiyan Killile kawotethanne Gaammo Goofa zoone Timirtte Kaalection.



Tophphiya Federale Dimokirasse Rippubilkke Timirtte Minsttere

Keso

Shemppo issino

Erota----- 1

Shemppo nam77a

Bolla kifileta ----- 3

Shemppo heedzdza

Kaase ----- 5

Shemppo oydda

Soo asa ----- 7

Shemppo ichchacha

Qumanne ushsha ----- 9

Shemppo usuppuna

Hachchi gallassay aazee? ----- 11

Shemppo laappuna

Biradhdhe pidaleta ----- 13

Shemppo hosppuna

Ta dawutareta ----- 15

Shemppo uddufuna

Ta dosiza ayfa ayfe ----- 17

Shemppo tamma

Ta zo77o korojjo ----- 19

Shemppo tammane issino

Medosata shaako ----- 21

Shemppo tammane nam77a

Hayssi aazi getettizee ----- 23

Shemppo tammane heedzdza

Hiillanne hiillanchchata ----- 25

Shemppo tammane oydda

Ta dosizaay ----- 27

Shemppo tammane ichchacha

Timirtte keetha peysha ----- 29

Gelo

Ha asttamaare maxaafey giigiday issintha kifiles Tophphiya malaata doona tamarso maxaafe giidana mala qofettiddikko. Giddobanika othetiza qofata ,hiillata h.h.m. Tophphiya malaata doona (TMD) tamaarssanasinne denthii yegganas gidishin tamarretaka be timirrtten ayfana(sinththe baana) mala hisstanays ammanttes. Gujjetan tamarso hiillati (ogetti) tamarretas moolenne giiga gidida tamaronne tamarso gaheteththi medhon doona dichchasinne lames mino domethi(denthii)yegges.

Gidoysas asttamareti malaata doona maxaafeza siyontta (sissa) mettora di7iza tamarreti tamarssiya wode oothana bessiza qofati koshshiza mala yooton tamarssonne tamaroo bussa (polo) giiga gididi baana mala maddees. Ha maxaafey tammanne ichchachu shemppota giddon oykishe, issi issi shemppo dometha bolla timirtte kaaran gelanappe koyrottidi kaaara gelo mala wokko ootho maddiza yeththata de7osona.

Hayassappe haara issi issi shemppo domethan timirtte giddobay kumetha qoppobanne paattetha qoppobati uttidaysa gidishin asttamarey ha qoppobata eridi timirttey shiiqiza wode ha qoppobata giiga(gahettana) mala hisstidi timirttey ayfana mala maaddees. Gujjon issi issi shemppon timirtte giddobati heegon(wayetontta) asttamarey erana mala gididi shiiqides. Hayssika asttamarey timirtteza immanas haliichhiza wode halichchanas maaddees.

Wursethan asttamarey timirtteza (issi issi shemppo) tamarssi wurssidappe guyenne tamarso bolla de7ishin tamarreti timirtteza eridayssa wostti geeddaro (kaalli xeello) dandda7izan malatana dandda7isiza geeddaro bussata oyskkidees.

Hayssika tamarreta shemppota timirtte giddoba eronne de7iza hanota eron asttamarey kalli xeelo immana mala maaddees.

Kuuyethan ha asttamare maxaafey giddon shiiqida qofati issinin gidin hara baggan tamaronne tamarso bussa asttamares injje histtees giidi ammanattes. Gidikoka asttamarey ha qofata lo7ethi xeellon tamarre maxaafezara giigison tamaronne tamarso bussa ayfisanas be wolqqa go7ettana koshshees.

Qofiso

Issi issi shemppon go7a bolla pe7ida qaalati misile paattethi tamarre maxaafe wursetha shaye bolla uttidees. Asttamaare, tamarreti koshiza wode go7etana mala maad-ditte.

Assamarettoo, malaatata kushe ginde (qaa7e bagga), kushe yeggethi, uteththi, medhonne qaaxo, gujjon asatetha qaaxo, ayfe kaare yooto suure hanotaninne bessan go7etitte!

Issi issi shemppon koyro bolla timirtte kaaran gelanappe sintheti kaaras dentha (gelo) woykko sinthe oothon shiiqida yeththata asttamaretoo, malaata doona kanddo qofa hisstida ogeninne tamarretasika giigana hano yooton malaata doonan yexxite. Tamarretika yeththaza lo7ethi kallizaysa xeellittee.

Assttamaretoo, malaata doona kifile wode (saaten) de7iza tamaronne tamarssu busa gidдон haniza oonika qaala polo waykko oothotanne qofa laametethata malaata doonanne biradhdhe pidalen go7etitte!

Assttamaretoo, malaatata ginde bagga, kushe yeggethi, uteththi, medhonne qaaxo, gujjon asatetha qaaxo, ayfe kaare yooto, suure hanotaninne busa bolla tamaareti suure othizayssa woykko bessizayssa lo7ethi kaallitte.

Assttamaretoo, kifile gelanappe koyrottidi timirtte kaaras giigiza maaddo mishsha giigissi oykkittee!

SHEMPPO ISSINO

EROTA

Qoppoba:- tamaareti

- ◆ Nam77u malaata haasa7a meegata malaata doona haasa7o dandda7osona.
- ◆ Issoy issara malaata doonan sarota laamretethi erandosona.
- ◆ Sunthanne kifile malaata doonan shaki haasa7anddosona.

Imettida wodey -9 kifile wodeta

Giddoba:

- ◆ Malaata doonan sarotethi laametethi.
- ◆ Malaata doonan bena eriso.
- ◆ Malaata doonan tamaareta sunthata.
- ◆ Sarothoranne erisora oykettida malaatata.
- ◆ Nam77u malaata haasa7a meegata.

Nagettiza ayfeti tamaareti:

- ◆ Malaata doonan bena erissanddosona.
- ◆ Malaata doonan sarota laametosona.
- ◆ Malaata doonan woga naagidi sarota laametosona.
- ◆ Nam77u malaata go7etiza haasa7a meegata go7ettidi be oonatetha yootosona.
- ◆ Malaata doonan oyshata zaarosona.
- ◆ Sarothoranne erisora oykettida malaatata kushe ginde bagga,kushe yeggethi, medho, qaaxota bessanne, uttetha suure polanddosona.
- ◆ Wozanthoy (wozanappe) kumida xeellota minthosna.
- ◆ Wozana eko(gochcho)nne maara laametethi eranddosona.

Shiisho hiilla

Ootho

- ◆ Asttamaretoo, kaalliza yeththa tamaaretas gelanas dandda7iza yootoninne malaata doona kanddota qofan woththida hanon malaata doonan yexxittee.
Ta isha yayqo
Ta isha yayqo (2)
Zin77adi (2)
Dawallay shocsettides
Denddiki (2)
Ero denddandisse (2)
Ayfeso (sinthe) meccetteda
Qan77e qan77ada
Timirtte keetha baandis
Lo7o eratetha shamaandis.
- ◆ Tamaaretas sarota malaata doona imon hintte suntha erissite.
- ◆ Tamaareti bena malaata doonan erisana mala leemiso imittee.

Leemisos;-

- Ay mala aqqadi (pe7adi) lo7okko, gallatays!
Sunthay-----Aawa
sunthay-----
Issintho kifile tamaareko
- ◆ Tamaareti ha bollan qonccida leemiso kaallidi iza agon bena erissanas meezesitte.
- ◆ Nam77u malaata go7ettiza haasa7a meegata go7ettidi oyshata zaarana mala meezesitte.
- ◆ Maara naagidi qofa laametethi erana mala meezesite.
- ◆ Malaata minoninne amotho/akekka/xeello wolqqay (eratethi) minisanas nam7usinne cugan gididi meezetana mala minththethite.

- ◆ Misile qonccissota, oothota, qaaxotanne kaasata go7ettidi tamaareta zaari zaari meezesiite.

Qofiso

Asttamaretoo, malaata doona kifile wode (saate) de7iza tamaaronne tamarssu bussa giddon haniza ay qalanne ootho qofa laametethi malaata doonaninne biradhdhe pidalen go7ettite!

Maado miishsha

- ◆ Oothotanne qaaxota bessiza misile qonccisota

Kaalli xeello

- ◆ Be sunthanne aawa suntha malaata doonan yoottizaysa kaallittee.
- ◆ Be kifile detha malaata doonan yoote dandda7oyssa akekkitte.
- ◆ Imettida leemison zemppidi bena kumatha hanon malaata doonan eriso dandda7idaysa kaallite.
- ◆ Erotara gahettidi shiiqiza oyshatas suure zaaro malaata doonan imo dandda7idaysa akekkitte.
- ◆ Sarota qaalata woykko misile qonccisota mise malaatara dabbotho dandda7idaysa akekkitte.

SHEMPPO NAM77A

SHEMPPO NAM77A

Qoppoaba:- tamaareti

- ◆ Bolla kifileta bochchon bessosona.
- ◆ Bolla kifileta malaata go7ettosona.
- ◆ Nam77u malaata go7ettiza haasa7a meegeta (azazota) oothosona.

Imettida wodey :- 8 kifile wodeta

Giddoba:

- ◆ Bolla kifile shaaki yootosaona.
- ◆ Bolla kifile malaata.
- ◆ Peeshota(leemiso malate,bessa)nam77u malaata doona haasa7a meegata woykko azazota.
- ◆ Oyshanne zaaro beso ,ayfeso (sintha)qonccisota.

Nagettiza ayfeti tamaareti:

- ◆ Bolla kifileta shaaki yootosona.
- ◆ Bolla kifileta suntha malaata doonan xeyggosona.
- ◆ Bolla kifileta kushen bochchi bessosona.
- ◆ Nam77u malaata go7ettiza haasa7a meegata woykko azazota medhosona.
- ◆ Oyshanne zaaro beeso sintha qonccisota xana7osona.

Shiisho hiilla

- ◆ Asttamaretoo, kaalliza yeththa tamaaretas gelanas dadd7iza yooton-ninne malaata doona kanddota qofan woththida hanon malaata doonan yexxittee.

Mantha biradhdhe

Mantha biradhdhe (2) awan day?
Haani days (2) ay mala wanidetti!
Malatiza biradhdhe (2) awan day?
Haani days (2) ay mala wanidetti!
Giddo biradhdhe (2) awan day?
Haani days (2) ay mala wanidetti!

Qalbbate birdhdhe (2) awan day?
Haani days (2) ay mala wanidetti!
Qeeri birdhdhe (2) awan day?
Haani days (2) ay mala wanidetti!
Ta birdhdheto (2) awan de7etti?
Haani de7ettees (2) ay mala wani-
detti!

- ◆ Bolla kifileta malaata eristte.
- ◆ Bolla kifileta kushen bochon suntha keyssan eristte.
- ◆ Oysha oychonine zaaron qonccis-
sistte.
- ◆ Nam77u malaata haasa7a meegeta
(azazota) meezetana mala hisstitte.

Leemiso;-

- ◆ Kushe bessitte, ayfe malatite, siidhe
bochchite, toho beessitte.
- ◆ Bolla kifile misile (pooto) go7ettidi
hanibesa oothitte.
- ◆ Tamaareti nam77us gididi issay oys-
ha shiishin issoy zaaro imon meeze-
tana mala histtite.
- ◆ Xeelon nabbabo eratethi minisanas
meezetissitte.

Qofiso

*Asttamaretoo, malaata doona kifile
wode de7iza tamaronne tamarsso bus-
sa gidдон haniza ay qaalanne ootho,
qofa laametethi malaata doonaninne
biradhdhe pidalen go7etittee.*

Maado miishsha

- ◆ Bolla kifile bessiza misilenne potota.

Kaalli xeello

- ◆ Bolla kifileta suntha eeta misilera
dabbotho dandda7oyssa kaallitte.
- ◆ Bolla kifileta suntha shaaki eridayssa
akekkitte.

- ◆ Bolla kifileta suntha suuren xeggi-
zayssanne besizaysa akekkitte.
- ◆ Malaata suure misilera dabbotho
eriddaysa kaallitte.
- ◆ Bolla kifileta malatata, misiletanne
eeta xeeysa dandda7idaysa kaallitte.
- ◆ Nam77u malaata haasa7a meegata
medho dandda7oyso kaallitte.

SHEMPPO HEEDZDZA

KAASE

Qoppoba:- tamaareti

- ◆ Shemppo saaten kaa7etiza kaase qommota tabbosona.
- ◆ Kaasetu suntha malaata doonan yootosona.
- ◆ Dandda7ays/dandda7ike giza qofa bolla zeempida haasa7a meegata medhosona.

Imettida woday :-8 kifile wodeta

Giddoba:

- ◆ Shemppo saataen nayti kaa7iza kaasetu.
- ◆ Kaase malaatata.
- ◆ Dandda7aysa/dandda7ike giza qofa bolla zeempida haasa7a meegata.
- ◆ Dandda7aysa/dandda7ikera biza ayfe kaare (sinthe) qonccisotanne bolla qaaxota.

Nagettiza ayfeti tamaareti:

- ◆ Shemppo saaten kaa7iza kaasa qommota suntha malaata doonan xeyggosona.
- ◆ Dandda7aysa/dandda7ike giza qofa bolla zeempida haasa7a meegata medhodandda7osona.
- ◆ Dandda7aysa/dandda7ike giza qofa bolla zeempida ayfeso(sinthe) qonccisonne bolla qaaxota akekkosona.
- ◆ Xeellon qofa laametetha abbe dichosona.

Shiisho hillo

Ootho

Asttamaretoo, kaalliza yeththa tamaaretas gelanas dandda7iza yootoninne malaata doona kanddota qofan woththida hanon malaata doonan yexxittee!

Heede bonera

Heede bonera hee ho7ozara
Dembbappe keezidi kaa7ishn
Awude dogettize na7atethay
Nu tamarida timirtte keethay.
Ciishay, maatay, bonccoy
Ciililo gididi ubbay.

Nu kaa7iday doggetena
He na7atethay balletena.
Qotetethay kaasey
Na7atetha baxxey.
Awude doggottize qoftettes
Qoppishin ufaysses.

- ◆ Tamaareti eriza kaase qommota malaata doonan haasa7isitte.
- ◆ Kaase qommotanne be suntha malaata doonan erisona.
- ◆ Kaase qommota paatti qonccisitte.
- ◆ Tamaareti berkka, nam77usinne cugan gididi be eriza kaase qommo malaata doonan haasa7ana mala oothitte.
- ◆ Xeellon nabbabo abbe (eretetha) dichchana mala meezetisitte.
- ◆ Dandda7ays, dandda7ikera biza sintha qonccisotanne bolla qaaxota meezetana mala oothisitte.

Qofiso

*Malaata doona kifile wode de7iza
tamaronne tamarso bussa gidдон
haniza ay qaalanne ootho, qofa laam-
etethi malaata doonaninne biradhdhe
pidalen go7etitte!*

Maado miishsha

- ◆ Kaasatanne oothota bessiza/qonccisiza misile.

Kaalli xeelo

- ◆ Shemppo saate kaa7etiza kaasa qommota suntha eridaysa kaallitte.
- ◆ Berkka, nam77usinne cugan gididi eriza kaasa qommo yooto dandda7idayssa akekkitte.
- ◆ Dandda7ays/dandda7ikera biza sintha qonccistonne bolla qaaxota paaccetizayssa xeellitte.
- ◆ Erizayssanne erontta kaasa qommota shaaki eridayssa akekkitte!

SHEMPPO OYDDA

SOO ASA

Qoppoba :-tamaareti

- ◆ Dabbotetha qoncciso malaatata shaakandosona.
- ◆ Soo asanne soo asa yaarata malaata doonan besandosona.
- ◆ Nam77u malaata oyshata oothon oychchandosona.
- ◆ Wozinappe xeello dichchandosona.

Immetida wodey-6 kifile wodeta

Giddoba:

- ◆ Dabbotetha qoncciso malaatata tobbethi.
- ◆ Dabbotetha qoncciso malaatata.
- ◆ Nam77u malaata oysha.
- ◆ Soo asa wogata.

Nagettiza ayfeti tamaareti:

- ◆ Soo asa yaarata suntha malaata doonan xeyggandosona.
- ◆ Soo asa bessiza qaalata malaata doonan besandosona.
- ◆ Soo asa yaarata sunthaninne matumatethi malaata doonan qoncciso erandosona.
- ◆ Soo asa wogatanne qofa laameretethi akekkandosona.
- ◆ Soo asa qaalata malaatara dabbothandosona.
- ◆ Misileta malaata doonara giigsandosona.
- ◆ Nam77u malaata oyshata oothandosona
- ◆ Lo7o xeellon nabbabanchcha gidandosona.
- ◆ Soo asa qonccisiza qaalata besandosona.

Shiisho hiilla

Ootho

Asttamareto, kaalliza yeththa tamaaretas gelanas dandda7iza yootoninne malaata doona kanddota qofan woththida hanon malaata doonan yexxittee.

Goshshanchchay goshsha bolla
Goshshanchchay goshsha bolla
Be7ite xeellite goshshanchchay
goshsha bolla
Goshshanchchas machcha de7awus
Be7ite xeellite goshshanchas
machcha de7awus
Machcheyis na7ay de7ees
Be7ite xeellite machchayis na7ay
de7ees.
Na7as michcha de7awus
Be7ite xeellite na7as michcha
de7awus
Na7as aaway de7ees
Be7ite xeellite na7as aaway de7ees
Aawas ishay de7ees
Be7ite xeellite aawas ishay de7ees.

- ◆ Soo asa, soo asa yaaratanne dabbotetha qonccisos maadiza malaatata erisitte.
- ◆ Misile qonccison shiiqida bolla kifile nabbabana mala oothitte.
- ◆ Misileta xeeyesara dabbothona mala meezesitte
- ◆ Dabbotetha qoncciso malaatata zaari xanana7ana mala hanotata giigistte.
- ◆ Soo asa qaalata suure misilera gaggiside meezetana mala hanotata giigisttte.
- ◆ Soo asa bessiza malaatata nabbabana mala maadditte

- ◆ Dabbotetha qoncciso malaatatanne dabbotethi bessiza qaalata dabbothon paatethi imitte.
- ◆ Nam77u malaata oyshata oothana mala maadditte.

Qofiso

Asttamareto, malaata doona kifile wode de7iza tamaronne tamarssobussa gidдон haniza ay qaalanne ootho, qofa laametethi malaata doonaninne biradhdhe pidalen go7etitte!

Maado miishsha

- ◆ Soo asa yaarata bessiza misile qonccisota.

Kaalli xeello

- ◆ Soo asanne soo asa yaarata suntha eta misilera dabbotho dandda7idaysa kaallitte.
- ◆ Dabbotetha qoncciso malaatata shaaki eridaysa akekkitte.
- ◆ Dabbotetha malaatiza qaalata suuren xeeyesanne malaata kaallitte.
- ◆ malaatiza qaalata zemppida qofata nabbabo dandda7oysa kaallitte
- ◆ Misileta eta sunthara dabbothizaysa akekkitte.
- ◆ Dabbotetha qoncciso malaatatanne dabbotetha malaato qaalata issippe go7etetha kaallitte.
- ◆ Nam77u malaata oyshata medhidaysa kaallitte.

SHEMPPO ICHACHCHA

QUMANNE USHSHA

Qoppoba –tamaareti

- ◆ Qumata malaata doona sunthata bessandosona.
- ◆ Ushshata malaata doona suntha bessandosona.
- ◆ Quma sunthata malaata doonan xeyggandosona.
- ◆ Ushsha sunthata malaata doonan xeyggandosona.

Immetida wodey-12 kifile wodeta

Giddoba:

- ◆ Quma malaata doona sunthata.
- ◆ Ushshata malaata doona sunthata.
- ◆ Dumma dumma qumanne ushsha qommota malaata doonan xeeysa.
- ◆ Ay maddi? Ay uyaadi? Oyshatanne zaarota.
- ◆ Allo/irikkata/qonccisota.

Nagettiza ayfeti tamaareti:

- ◆ Quma sunthata malaata doonan xeyggandosona.
- ◆ Quma sunthata ushsha sunthatappe shaakosona.
- ◆ Ushsha sunthata qumma sunthatappe shaakosona
- ◆ Ushsha qommota malaata sunthata misilera bessosona.
- ◆ Qumanne ushsha malaata sunthata misilera dabbothosona.
- ◆ Meezeta oothosona.
- ◆ Qumanne ushsha misile qonccisota malaata doonan bessosona.
- ◆ Ay maddi? Ay uyaddi? giidi nam77u qofa oykiza nam77u malaata oyshata oyshshetosona.
- ◆ Allo qonccisota maaran go7etandosona.

Shiisho hiilla

Ootho

Asstamaretoo, kaalliza yeththa tamaaretas gelanas dandda7iza yootoninne malaata doona kanddota qofan wotheethida hanon malaata doonan yexxitte!

Quma muussi

Quma muussi payatethas (2)

Ane gitte dubu dubu dubu

Ane gitte issita, nam77a, heedzdza

Quma mussi payatethas (2)

Dabbo, soollo, phuphphulle

Ane gitte dubu dubu dubu

Ane gitte issita, nam77a, heedzdza

Quma mussi payatethas (2)

Asho, ukethi, xibbina

Ane gitte dubu dubu dubu

Ane gitte issita, nam77a, heedzdza

Quma muussi payatethas (2)

Ane gitte dubu dubu dubu

Ane gitte issita, nam77a, heedzdza.

- ◆ Misile besson malaatan qumanne ushsha qommotanne sunthata erisitte.
- ◆ Tamaareti qumanne ushsha qommota suntha xeyggana mala oothitte.
- ◆ Qan7e/qurrise/ ay middanne uyiddan tamaareti maara naggidi yootana mala oothitte.
- ◆ Nam77u malaata oyshata/ay maddi?/ ay uyaddi?/oychchon tobbe oothona.
- ◆ Qumanne ushsha malaata sunthata misilera dabbothisitte.
- ◆ Nam77ussine cugan gididi qumanne ushsha qommota bolla tobbana mala giigisitte.
- ◆ Qumanne ushsha qommota paatti besiza misile malatara dabbothana mala meezesitte.
- ◆ Oyshata oothisitte.

Qofiso

Astamaretoo, malaata doona kifile wode de7iza tamaronne tamarssu busa gidдон haniza ay qaalanne ootho, qofa laametethi malaata doonaninne biradhdhe pidalen go7etitte!

Maado miishsha

- ◆ Qumanne ushsha misile qonccisota.

Kaalli xeello

- ◆ Qumanne ushsha misile qonccisota malaatan besso dandda7idaysa xeellitte.
- ◆ Misileti aathiza kiita malaata doonan qonccisizaysa kaallitte.
- ◆ Misileta xeelidi misileta bolla paatethi imizayssa kaallitte.
- ◆ Misile misileranne malaata doona giigiso dandda7idaysa kaallitte.

SHEMPPO USUPPUNA

HACHCHI GALLASSAY AAZEE?

Qoppaba:- tamaareti

- ◆ Saamintta gallassata malaata doonan qonccisoosona.
- ◆ Saamintta gallassata bolla malaata doonan tobbosona
- ◆ Saaminatta gallassata malaata doonan bessosona, shaakosona.
- ◆ Gallassata paydotara dabbothon malaata doonan haasa7a mega oothosona.

Immetida wodey-8 kifile wodeta

Giddoba:

- ◆ Saamintta gallassata.
- ◆ Saamintta gallassata malaata doona suntha.
- ◆ Gallassata paydotara dabbotho.
- ◆ Gallassata paydotara go7etethi.
- ◆ Oothonne shemppo galaassata dummatetha.

Nagettiza ayfeti tamaareti:

- ◆ Saamintta gallassata malaata doonan xeyggandosona.
- ◆ Saamintta gallassata malaata suntha paydotara dobbothosona.
- ◆ Issipetethi de7iza wode malaata gidida malaatata paattosona.
- ◆ Gallassata paydotara gaxisidi qonccisoosona.
- ◆ Ootho gallassata shaakosona.
- ◆ Shemppoo gallassi shaakosona.
- ◆ Oothonne shemppo gallassa dummatetha qonccisoosona.
- ◆ Laale kaalli de7iza gallassa malaata doonan bessettes.
- ◆ Laale sinthati de7iza koyro gallassa malaata doonan bessettes.
- ◆ Laaleppene bu7eppe gidдон de7iza gallassa malaata doonan yootosona.
- ◆ Saamintta gidдон de7iza gallassata malaata doonan maara nagidi xeyg-gosona.

Shiisho hiilla

Ootho

Asttamaretoo, kaalliza yeththa tamaratas gelanas dandda7iza yootoninne malaata doona qofan woththida hanon malaata doona yexxitte

Hachchi gallassay aaze?
Hachchi gallassay aazee?
Hachchi gallassay woggakko
Woggay shemppo gallassikko
Hachchi gallassay aazee?
Hachchi gallassay laalekko
Laalay timirttes koyro galassikko
Hachchi gallassay aazee?
Hachchi gallassay laamekko
Laamey timirttes wursetha gallassikko.

- ◆ Gallassa qanne malaata doonan erissitte.
- ◆ Saamintta gallassata malaata suntha besson meezetissitte.
- ◆ Tamaareta cugan shaakon issi issi cugay gallassata oykkidi gallassata ay ay oothanan malaata doonan yootistte.
- ◆ Tamaareti nam77as /cugan/gididi saamintta gallassata gidдон etti azi azi oothanan malaata doonan haasa7etana mala hisstite.
- ◆ Wode malata gidida malaatata paatti qoncciso oothite.
- ◆ Nam77asinne cugan gididi saamintta gallassata malaata sunthata besana mala oothitte.
- ◆ Saamintta gidдон de7iza gallassata suntha maaran paatti xana7ana mala maaditte.

Qofiso

Asttamaretoo, malaata doona kifile wode de7iza tamaronne tamarisso busa gidдон haniza ay qaalanne ootho, qofa laametethi malaata doonaninne biradhdhe pidalen go7etitte!

Maado miishsha

- ◆ Saamintta gallassata maaran, mlaataninne sunthan giigiso.
- ◆ Gallassa taybbo waraqqaten giigiso.

Kaalli xeello

- ◆ Saamintta gallassata malaata doonan xeyggizaysa kaallitte.
- ◆ Saamintta gallassata malaata sunthata paydotara debbothidayssa kaallitte.
- ◆ Wode malaata gidida qaalata mlaatan paatto dandda7idayssa xeellitte.
- ◆ Oothonne shemppo gallassa shaakidayssa kaallitte.
- ◆ Samintta gidдон de7iza gallassata suntha maaran paattethi imizayssa akekkitte.

SHEMPPO LAAPPUNA

BIRADHDHE PIDALETA

Qoppoba:-tamaareti

- ◆ Amaaratho pidaleta biradhdhe pidalen nabbabosona.
- ◆ Biradhdhe pidalen qaala medhdhosona.
- ◆ Ba suntha biradhdhe pidalen xeyggosona.
- ◆ Ba lagge suntha biradhdhe pidalen xeyggosona.

Imettida wodey – 16 kifile wodeta.

Giddoba:

- ◆ Tophphiya malaata doona biradhdhe pidaleta.
- ◆ Biradhdhe pidaleta (ha-pe) gatho.
- ◆ Ta, ne, iza, izi, h.h.m suntha biradhdhe pidalen.

Nagettiza ayfeti tamaareti:

- ◆ Biradhdhe pidaleta oothonas go7iza kushe biradhdheta meezeto akekkosona.
- ◆ Ha-pe gatho de7iza pidaleta biradhdhe pidalen xeyggosona.
- ◆ Pidaleta zeere (qommo) biradhdhe pidalen nabbabosona.
- ◆ Biradhdhe pidale qommota shaakosona.
- ◆ Biradhdhe pidale Amaaratho pidalera dabbothosona.
- ◆ Pidale yaaratappe dumma gididi pidale nabbosona.
- ◆ Amaaratho pidale qommota biradhdhe pidalen nabbabosona.
- ◆ Biradhdhe pidaleta yaarata shaakosona.

Shiisho hiilla

Ootho

Asttamaretoo, kaalliza yeththa tamaaretas gelana dandda7iza yootoninne malaata doona kanddota qofan woththi-

da hanaon malaata doonan yexxitte!

Qeeri nayto tamaros

Qeeri nayto tamaros, pilligeretos

Eratetha demanas minnidi tamaros.

‘Ha’y burccuko mala

‘Le’y oydde mala

‘Me’ y manaxxire mala
‘O’y zero mala
‘Se’huphphen zuggey de7ees
‘Qe’y dabbe oykidees
‘Te’y kushe pidisidees. (2)

- ◆ Tamaareti ba kushe sintha baggan guthara dheqqu hiisitidi gaatha kushe besana mala oothidi biradhdhe pidaleta maaran ersitte.
- ◆ Biradhdhe pidaletanne qommota Patti qoncciso oothitte.
- ◆ Biradhdhe pidaleta meezetana mala madditte.
- ◆ Ba suntha, lagge suntha, asttamareta sunthanne soo asata suntha biradhdhe pidalen xeyggiste.

Leemisos

(Ta suntha -----, nee suntha-----
h.h.m go7etitte.)

- ◆ Pidale zaara, leemisota go7ettidi biradhdhe pidaleta suuren nabbabana mala minthethitte.

Qofiso

*Asttamaretoo, malaata doona kifile
wode de7iza tamaronne tamarssso
bussa gidдон haniza ay qaalanne
ootho, qofa laametethi malaata doo-
naninne briadhdhe pidalen go7etitte!*

Maado miishsha

- ◆ Briadhdhe pidaleta malaata doonan oothoans maadiza kushe bridhdhe meezeta.
- ◆ Zaaran giigida bridhdhe pidaleta.
- ◆ Bridhdhe pidale leemisota.

Kaalli xeello

- ◆ Bridhdhe pidaletanne qommota suuren nabbabo dandda7idayssa akekkitte.

- ◆ Pidaleta bridhdhe pidalera dabbothiza kaallitte.
- ◆ Malaata doona kushe yegethi, go7etonne qaaxo suuren oothana mala kaallitte.

SHEMPPO HOSPPUNA

TA DAWUTARETA

Qoppoba:-tamaareti

- ◆ Issinippe xeetu gatho de7iza malaata doona briadhdhe paydota meezetosona.
- ◆ Paydota bridhdhe malaata doonan nabbabosona.
- ◆ Paydota bridhdhe malaata doonan taybbosona.
- ◆ Heedzdzu malaata haasa7a meegata malaata doonan medhosona.

Imettida wodey-13 kifile wodeta

Giddoba:

- ◆ Issinippe xeetu gatho de7iza malaata doona bridhdhe paydota.
- ◆ Shemppo nam77u bolla meddhettida heedzdzu malaata go7ettiza haasa7a meegata.
- ◆ Sunthanne paydota issi bolla go7etetha ogeta.

Nagettiza ayfeti tamaareti:

- ◆ Issnippe xeetu gatho de7iza paydota bridhdhe malaata doonan taybbosona.
- ◆ Misile coratetha paydotara dabbothosona.
- ◆ Paydota bridhdhe malaata doonara dabbothosona.
- ◆ Misile coratetha bridhdhe malaata doonara dabbothosona.
- ◆ Kumethanne pace paydota shaakosona.
- ◆ Wogga paydo gashe paydoppe shaakosona.
- ◆ Misileta bridhdhe malaata doonan qoodidi coratetha shaakosona.
- ◆ Paydotanne sunthata go7ettidi heedzdzu malaata haasa7a meegata medhdhosona.
- ◆ Sunthanne paydota issi bolla go7etetha ogeta akekkosona.

Shiisho hiilla

Ootho

Asttamaretoo, kaalliza yeththa tamaaretas gelanas danadda7iza yootoninne malaata doona kanddota qofan woththida hanon malaata doonan yexxitte!

Issita, nam77a, heedzdza, oydda, ichchasha

Issita, nam77a, heedzdza, oydda, ichchacha (2)

Mole oyakkadis kawu7os

Ichchacha, usuppuna, laappuna, hossppuna, uddufuna, tamma

Wassa yedadis qoppontta

Aazas yedadi?

Bridhdheza biradhdheza dhoggides

Awayssa bridhdhe?

Oshachcha kushe qeeri bridhdhe.

- ◆ Tamaareti bee kushe sintha bagga guthera dhoqqu histtidi gaatha kushe bessana mala oothidi bridhdhe pidaleta maaran maaran erisstte.
- ◆ (1-10, 11-20, 21-30.....91-100)gatho de7iza paydota bridhdhe malaata doonan qoodana mala oothitte.
- ◆ Paydotanne sunthata go7ettidi heedzdzu malaata haasa7a meegata medhissitte.
- ◆ Kifile gidдон de7iza maccanne attuma tamaareta coratetha oychchidi zaaro immana mala histitte.
- ◆ Laythanne soo asa yaarata coratetha oychchidi zaaro immana mala histitte.
- ◆ Paydota bridhdhe malaata doonan nabbabananne qoodana mala meezetisitte.

Qofiso

Asttamaretoo, malaata doona kifile wode de7iza tamaaronne tamarssobussa gidдон haniza ay qaalanne ootho,qofa laametethi malaata doonaninne bridhdhe pidalen go7etitte!

Mado miishsha

- ◆ Malaata doona medhdhanas maddiya kushe bridhdhe malaatata.
- ◆ Bridhdhe malaata doona paydota zaara.

Kaalli xeello

- ◆ Paydota bridhdhe malaata doonan nabbabonne qoodo dandda7idaysa kaallitte.
- ◆ Paydotanne sunthata go7ettidi heedzdzy malaata haasa7a meegata medhdhizaysa xeellitte.
- ◆ Sunthanne paydota issippe go7etetha ogeta akekkidaysa xeellitte.
- ◆ Misileta bridhdhe malaata doonan qoodidi coratetha shaakidaysa kaallitte.

SHAMPPO UDDUFUNA

TA DOSIZA AYFA AYFE

Qoppoba:-tamaareti

- ◆ Ayfa ayfe sunthatanne qommota bolla tobbosona.
- ◆ Malaata doonan ayfe ayfe suntha besandosona.
- ◆ Nam77u malaata haasa7a meegata medhdhosona.

Imettida woday – 7 kifile wodeta

Giddoba:

- ◆ Dumma dumma ayfe ayfe suntha.
- ◆ Nam77u malaata haasa7a meegata (burtte dosays).
- ◆ Dosanne ixora biza ayfe kaare(sinthe) qonccisotanne bolla qaaxota.

Nagettiza ayfeti tamaareti:

- ◆ Ayfa ayfe sunthata malaata doonan xeyggosona.
- ◆ Ayfa ayfe suntha haara qumatappe shaakosona.
- ◆ Ayfa ayfe sunthata malaata doonan haasa7osona.
- ◆ Ayfa ayfe misile malaatara dabbothosona.
- ◆ Ayfa ayfe misileza xeellidi malaata doonan qonccisosona.
- ◆ Ayfa ayfe sunthata malaata doonan nabbabosona.
- ◆ Ayfa ayfe misileza mise ayfa ayfe misilera giigisosona.
- ◆ Dosanne ixora biza sintha(ayfeso) qonccisotanne bolla qaaxota eridosona.

Shiisho hiilla

Ootho

Asttamaretoo, kaalliza yeththa tama-
aretas gelanas dandda7iza yootoninne
malaata doona kanddota qofan woththi-
da hanon malaata doonan yexxite!

Ayfa ayfe muussi
Goose dubu dubu dubu
Goose issitta, nam77a, heedzdza
Ayfa ayfe muussi payatethas (2)
Burttee, muuze, loome
Goose dubu dubu dubu
Goose issitta, nam77a, heedzdza
Ayfa ayfe muussi payatethas (2)
Pappaye, mango, abukkado
Goose dubu dubu dubu
Goose issitta, nam77a, heedzdza
Ayfa ayfe muussi payatethas (2)
Woyine ananase
Goose dubu dubu dubu
Goose issitta, nam77a, heedzdza
Ayfa ayfa muussi payatethas (2)

- ◆ Ayfa ayfe sunthata malaata doonan xeyggidi erisste.
- ◆ Nam77aninne cugan gididi ayfe ayfe sunthatanne qommota malaata doonan meezesitte.
- ◆ Tamaareti dosiza ayfe ayfe qommo malaata doonan xeegananne oychchetana mala madditte.
- ◆ Ayfe ayfe misile beson malaata doonan sunthata qonccisana mala giigisitte.
- ◆ Ayfe ayfe misile medhidi malaata beson meezetana mala madditte.
- ◆ Burtte dosays (dosikke) gidi nam77u malaata doonara dabbosana mala meezesidi oyshata oothistte.

- ◆ Dosaranne ixora biza sintha (ayfeso) qonccisotanne bolla qaaxota go7etana mala oothitte.

Qofiso

Asttamaretoo, malaata doona kifile wode de7iza tamaaronne tamaarsso busa gidдон haniza ay qaalanne ootho, qofa laametethi malaata doonaninne briadhhe pidalen go7etitte!

Maado miishsha

- ◆ Ayfa ayfeta qommo bessiza misile.

Kaalli xeello

- ◆ Ayfa ayfe malaata doona sunthata suure misilera dabbothiza kaallitte.
- ◆ Ayfa ayfe malaata doona sunthata suure xeyggizaysanne malatizaysa xeellitte.
- ◆ Ayfe ayfe qommota bessiza misile malaata doonan dabbothiza xeellitte.
- ◆ Dosanne ixora biza sintha qonccisotanne bolla qaaxota go7eto dandda7idaysa kaallitte.

SHEMPPO TAMMA

TA ZO77O KOROJJO

Qoppoba:- tamaareti

- ◆ Qalameta sunthanne qommota bolla malaata doonan tobbosona.
- ◆ Qalameta qommota malaata doonan besandosona, shaakansosona.
- ◆ Heedzdu malaata haasa7a meegata medhdhosona.

Imettida wodey-6 kifile wodeta

Giddoba:

- ◆ Qalameta sunthanne qommota.
- ◆ Dumma dumma qalame malaata.
- ◆ Heedzdu malaata haasa7a meegata/ta korojjoy zo7okko/.
- ◆ Suntha qalametara go7etetha ogeta.

Nagettiza ayfeti tamaareti:

- ◆ Qalameta suntha malaata doonan pattandosona.
- ◆ Qalameta malaata doonan shaaki erandosona.
- ◆ Qalameta malaata doonan xeyggandosona.
- ◆ Mise gidida qalemata dabbothosona.
- ◆ Qalameta malaata doona sunthara dabbothosona.
- ◆ Bee mayo qalame malaata doonan shaaki bessosona.
- ◆ Suntha qalametara go7etetha ogeta akekkosona.
- ◆ Qalameta suntha go7ettidi heedzdu malaata haasa7a meegata medhdhosona.

Shiisho hiilla

Ootho

- ◆ Qalameta malaata eerisitte.
- ◆ Qalame qomota besiza kardde go7et-tidi qalameta bessitte.
- ◆ Kifile gidдон de7iza mishshata mala-ton tamaareti qalame qommo suntha xayggana mala oothitte.
- ◆ Bee korojjo, mayonne caamma qalame shaakana mala histitte.
- ◆ Mise qalamey de7iza mishshata mal-atana/shaakana mala histitte.
- ◆ Tamaareti nam7us nam77us gididi qalame oyshata oychchetana mala meezesitte.
- ◆ Bee mayo,soo asa yaaratanne laggeta mayo qalame bolla qofa laametana mala oothite.
- ◆ Cugan shaakidi oysha oychchon meezetana mala madditte.
- ◆ Misilen shiiqida qalameta sunthata malaata doonan xeyggiste.
- ◆ Qalameta suntha go7ettidi heedzdzu malaata haasa7a meegata medhdhana mala qonccisitte.

Qofiso

Asstamaretoo, malaata doona kifile wode de7iza tamaronne tamarsso busa gidдон haniza aya qaalanne ootho, qofa laametethi malaata doonaninne bridhdhe pidalen go7etitte!

Maado miishsha

- ◆ Kartonne /kardde /bolla shiiqida qalameta leemiso.
- ◆ Qalameta qommota bessiza misile bessu.

Kaalli xeelo

- ◆ Misilen shiiqida qalameta qommonne sunthata malaata doonan bessizayssa be7itte.
- ◆ Tamaareti qalametara gahettiza oyshata malaata doonan oychchet-ananne zaarana mala kaallitte.
- ◆ Qalameta qommota malaatara dabbothizayssa be7itte.
- ◆ Suntha go7ettidi heedzdzu malaata haasa7a meega medhdhidaysa beitte.

SHEMPPO TAMMANE-ISSINO

MEDOSATA SHAAKO

Qoppoba:- tamaareti

- ◆ Medosata qommotanne sunthata bolla malaata doonan tobbosona.
- ◆ Malaata doonan medosata qonccisoonaa.
- ◆ Soo medosanne wora medosata suntha malaata doonan bessosona.
- ◆ Medosata go7a bolla basso oothidi haasa7a megata medhdhosona.

Imettida woday -12 kifile wodeta

Giddoba:

- ◆ Medosa qommotanne sunthata.
- ◆ Soo medosata sunthata.
- ◆ Wora medosata sunthata.
- ◆ Medosata go7a bolla giigida haasa7a meegata.

Nagettiza ayfeti tamaareti:

- ◆ Soo medosata suntha malaata doonan shaaki xeyggonaa.
- ◆ Soo medosati issi issira de7iza issippetethinne dummatethi malaata doonan geddarosona.
- ◆ Medosata misile be7on soo medosanne wora medosata malaata doonan shaakosona.
- ◆ Medosata suntha suure misilenne malatara dabbothosona.
- ◆ Soo medosata go7anne maaddo malaata doonan qonccisoonaa.
- ◆ Medosata go7a bolla medhdhettida haasa7a meegata malaata doonan xeyggonaa.

Shiisho hiilla

Ootho

Asttamaretoo, kaalliza yeththa tamaretas gelanas dandda7iza yootoninne malaata doona kanddota qofan woiththida hanon malaata doonan yexxite!

Kanay hamettides

Kanay hamettides

Meqethi ekkidi bidees (2)

Meqetha mishe nagges kaysso

Kanay wu wu (2) giddees

Gawaraya yawu gadus (2)

Maathi uyashe

Miiziya umbba (2) gadus

Maataza mashe

Kuutoy u u lu (2) gees

Guuran dendidi koshshe sisses

Soo madossatti (2)

Asas daroko go7azi

Hayssa wuri eros.

- ◆ Medosata misilenne poto besson malaata doonan medosata qommotanne sunthata xeyggidi eersitte.
- ◆ Medosata kumetha hanota malaata doonan tobbethi.
- ◆ Soonne wora medosata be7idi eriza maaran maaran nam77usinne cugan gididi malaata doonan haasa7etana mala ootho.
- ◆ Medosata go7a bolla medhdhetida haasa7a meegata oothoiso.
- ◆ Soonne wora medosata paattethi besiza misile malaatara dabbothana mala meezesonne oyshata oothiso.
- ◆ Nam77asinne cugan gididi erizanne dosiza soonne wora medosata malaata doonan tobbana mala giigiso.
- ◆ Medosata misile misilison bee medhdhida misile malaata doonan qonccise immana mala oothitte.

Qofiso

Asttamaretoo, malaata doona kifile wode de7iza tamaronne tamarssu bus-sa giddon haniza ay qaalaanne otho, qofa laametethi malaata doonaninne bridhdhe pidalen go7etitte!

Maado mishsha

- ◆ Soonne wora medosa bessiza misile.

Kaalli xeelo

- ◆ Soo medosanne wora medosata malaata doona suntha suure misilera dabbothiza kaallitte.
- ◆ Soo medosata wora medosatappe shaakidaysa xeelitte.
- ◆ Soonne wora medosata suntha mlaata doonan suuren xeyggiza akikkitte.
- ◆ Soonne wora medosata bessiza misileza malaata sunthara dabbossiza xeelitte.

SHEMPPO TAMMANE NAM77A

HAYSSI AAZI GETETTIZE?

Qoppoba:- tamaareti

- ◆ Tamaro mishshata malaata suntha shaakosona.
- ◆ Tamaro mishshata sunthanne qommo malaata doonan meezetosona.
- ◆ Nam77u malaata oyshata medhdhosona.

Imettida wodey -7 kifile wodeta

Giddoba:

- ◆ Kifile gidдон de7iza tamaro mishshata sunthanne oysha.
- ◆ Tamaro mishshata malaata doona suntha.
- ◆ Malaatiza malaatata.
- ◆ Nam77u malaatiza oyshata.

Nagettiza ayfeti tamaareti:

- ◆ Kifile gidдон de7iza mishshata malaata sunthata xeyggosona.
- ◆ Kifile gidдон de7iza mishshati immiza go7a malaata doonan paattosona.
- ◆ Malatiza malatata go7ettidi nam77u malaata oyshata malaata doonan oychoosona.
- ◆ Kifile gidдон de7iza mishshata sunthata suure potora dabbothosona.

Shiisho hiilla

Ootho

Asttamaaretoo, kaalliza yeththa tamaaretas gelanas dandda7iza yootoninne malaata doona kanddota qofan wotheethida hanon malaata doonan yexxite!

Tamaare keetha boss
Tamaare keetha boss
Tamaare keeth boss
Eratetha shamos.
Ha Hu Hi Haa He Hii Ho
Tamaare keetha boss
1, 2, 3, 4, 5
Tamaare keetha boss

Tamaare keetha boss
Eratetha shamos.

Hiwotti Mamo

- ◆ Tamaro kifile gidдон de7iza mishshata malaata sunthata xeyggidi eriste.
- ◆ Tamaareti malaata doonan oyshanne zaaro oothana mala oothitte.
- ◆ Nam77as simeretiza oyshata gigistte.

Leemisos

hayssi aazee?
Seekay aazee?

- ◆ Tamaareti maara naagidi malaata doonan oyshetana mala oothitte
- ◆ Mishsheta bochchon misileta malaa-ton shaakistte.

Qofiso

*Asttamaretoo, malaata doona kifile
wode de7iza tamaronne tamarssso
bussa gidдон haniza ay qaalanne
ootho, qofa laametethi malaata doo-
naninne bridhdhe pidalen go7etitte!*

Maado mishsha

- ◆ Tamaro kifile gidдон de7iza mishshata paatethi bessiza misile.

Kaalli xeelo

- ◆ Tamaro kifile gidдон de7iza mishshata suntha eeta misilera dabbothiza kaallitte.
- ◆ Tamaro kifile gidдон de7iza mishshata suntha malaata doonan shaaki eroysa ammantitte.
- ◆ Tamaro kifile gidдон de7iza mishshata suntha maalata doonan suuren xeyggizayssanne bessizayssa akekkitte.

- ◆ Tamaro kifile gidдон de7iza mishshata go7a maalta doonan qonccisizaysa kaallitte
- ◆ Tamaro kifile gidдон de7iza mishshata besiza misile malaata doond sunthara dabbothiza kaallitte.
- ◆ Malatiza malaatata go7ettidi nam77u malaata oyshata medhdhidayssa kaallitte.

SHEMPPO TAMMANE HEEDZDZA

HIILLANNE HIILLANCHCHATA

Qoppoba:- tamaareti

- ◆ Yeela asati oothiza hiilla (ootho) qommota malaata doonan tobbosona.
- ◆ Asata oothonne besa malaata doonan qonccisoona.

Imettida wodey -7 kifile wodeta

Giddoba:

- ◆ Yeela asati oothiza ootho(hilla) qommota
- ◆ Dumma dumma hillata malaatata
- ◆ Heedzdu malaata haasa7a meegata

Leemisos

Ta aaway asttmaarekko.

Ta ishay goshshanchchakko.

- ◆ Eenotanne eenota gidontta haasa7a meegatara biza sintha (medho) qonccisotanne bolla qaaxota.

Nagettiza ayfeti tamaareti:

- ◆ Yeela asati oothiza hiilla qommota malaata doonan qonccisoona.
- ◆ Asati oothanas dandda7iza ootho macarata malaata doonan yootosona.
- ◆ Ootho macarati bettanas dandda7iza bessata malaata doonan malatosona.
- ◆ Heedzdu malaata haasa7a meegata medhdhosona.

Shishao hiilla

Ootho

Asttamaretoo, kaalliza yeththa tamaaretas gelanas dandda7iza yootoninne malaata doona kanddota qofan wotheethida hanon malaata doonan yexxite!

De7ees malalissiza qoppobay
De7ees malalissiza qoppobay
Eratethan dicanas minnada xanna7anas
Gidanas saynsisste, docterenne erancha
Pilligetha oothon erettida professere

Amanettada denddadis tuma ahumo ahumettada
Astattamaretappe eretetha shameda
De7ees malalissiza qoppobay hiillan minniday
Eratethan dicanas minnada xama7anas
Ta dere ufayssanas gidanas alames amo
Eratethan, timirtten, dichchatethi daliggisanas
Sportten, hiillan, hillatethan loohada
Eranas denddadis qoppobas minnada
De7ees malalissiza qoppobay hiillan minniday
Eratethan dicanas minnada xana7anas.

Yonas Mogos W/Tsodik

- ◆ Asati oothonas dandda7iza ootho macarata, malaata sunthata eerison qoncciso immitte.
- ◆ Tamaareti eeriza hiilla qommo malaata doonan oychchchitte.
- ◆ Hiilla qommota malaata doonan eeristte.
- ◆ Yeela asati oothiza ootho qommota oychchidi malaata doonan haasa7ana mala histtite

Leemiso

Ta aaway asttamarekko.

- ◆ Ta aaway akime giddena.
- ◆ Xeelan nabbabo eretetha dichchanas minthethitte, kaallitte.
- ◆ Ooso qommonne hiillanchchay oothiza oothota gaggison malaata doonan qonccisona.

Leemiso

Astattamaaray tamaarises.
shfercy makina laages

Qofiso

Astattamaaretoo, malaata doona kifile wode de7iza tamaronne tamarosso bussa giddon haniza ay qaalanne ootho, qofa laametethi malaata doonaninne biradhdhe pidalen go7etitte!

Maado miishsha

- ◆ ootho macarata bessiza pototo/misile/go7eto.

Kaalli xeelo

- ◆ Asati oothanas dandda7iza ooso macarata, malaata sunthata qoncciso dandda7idayssa akekkitte.
- ◆ Yeela asati oothiza hiilla qommota malaata doonan haasa7izayssa xeelitte.
- ◆ Heedzdzu malaata haasa7a meegata medhdho dandda7oyssa kaallitte.
- ◆ Eenotanne eenotay bayntta haasa7a meegatara biza medho (sintha) qonccisotanne bolla qaaxota bessizayssa kaallitte.

SHEMPPO TAMMANE OYDDA

TA DOSIZAAY

Qoppaba:- tamaareti

- ◆ Tamaarida malaata doona go7ettidi dosanne ixxo mishshata tobbosona.
- ◆ Dosanne ixo malaata doonan haasa7osona.
- ◆ Malaata doonan qofa qoncciso malatata maaran haasa7osona.
- ◆ Ayfancha malaata doona nabbabancha gidosona.
- ◆ Qoncciso ogeta malaata doonan bessosona.

Imettida woday-8 kifile wodeta

Giddoba:

- ◆ Tamaarida baasson dosizanne ixiza mishshata qoncciso.
- ◆ Qofa qoncciso malaatata (dosonne ixo).
- ◆ Heedzdu malaata haasa7a meegata.
- ◆ Dosara, ixora biza sintha qonccisota, bolla qaaxota.

Nagettiza ayfeti tamaareti:

- ◆ Dosizanne ixiza mishshata malaata doonan paattosona.
- ◆ Qofa qoncciso malatata go7ettidi dosa (ixo) qofa qonccissosona.
- ◆ Dosa qofa iita qofappe shaaki ersona.
- ◆ Qofa qoncciso malatata go7ettidi heedzdu malaata haasa7a meegata giggis-sosona.
- ◆ Dosa /ixora biza sintha (medho) qonccisotanne bolla qaaxota bessosona.

Shiisho hiilla

Ootho

Asttamaretoo, kaalliza yeththa tamaras gelanas dandda7iza yootoninne malaata doona kanddota qofan woththida hanon malaata doonan yexxite!

Ta soo asato dosayis

Dosayis aabbo (2)

Dosayis immo (2)

Ta yeela asato tas hintte lo7okko

Dichchideta bonchchon.

Dosayis ta ishazo (2)

Dosayis ta michchiye (2)

Ta yeela asato tas hintte lo7okko

Dichchideta bonchchon.

- ◆ Qofa qoncciso malaata besson qonccisitte.
- ◆ Dosizanne ixiza mishshata nam77usinne cugan gididi malaata doonan qonccisitte.
- ◆ Qofa qoncciso malaatata suuren go7ettizaysa kaallo oothitte.
- ◆ Heedzdu malaata haasa7a meegata medhdhisitte.
- ◆ Dosa/ixora biza medho (sintha) qonccisotanne bolla qaaxota go7etana mala meezesitte.

Qofiso

Asttamaretoo, malaata doona kifile wode de7iza tamaronne tamarisso bussa giddon haniza ay qaalanne ootho, qofa laametethi malaata doonaninne briradhdhe pidalen go7etitte!

Maado miishsha

- ◆ Dosa/ixo/ malaata / qofa malaata.
- ◆ Dosa (ixo) bessiza misile.

Kaalli xeelo

- ◆ Dosetetha qofa, iita qofa shaako dandda7idayssa xeelitte.
- ◆ Qofa qoncciso malatata go7eto dandda7idayssa ammanetitte.
- ◆ Dosizaysanne ixiza mishshata malaata doonan qonccisizayssa xeelitte.
- ◆ Doseta (ixora) biza sintha (medho) qonccisotanne bolla qaaxota go7etethi dandda7idayssa akekkitte.

SHEMPPO TAMMANE ICHCHASHA

TIMIRTTE KEETHA PEYSHA

Qoppoba:- tamaareti

- ◆ Tamaarida malatata go7ettidi timirtte keetha peysha bolla malaata doonan tobbosona.
- ◆ Tamaarida malatata zaaretho oothosona.
- ◆ Timirtte keetha peysha malaata doonan paattosona.
- ◆ Shemppo hiillatethi dichchosona.

Imettida wodey- 12 kifile wodeta.

Qofiso:

- ◆ Tamaarida malaatata go7eto basso oothon timirtte keetha peysha yooto.
- ◆ Tamaarida malaatata zaaretho.
- ◆ Adhida wode qonccisiza peeshota go7eto bolla medhdhettida haasa7a meegata medho.
- ◆ Yootonne maara naagidi qonccisota.

Nagettiza ayfeti tamaareti:

- ◆ Bee timirtte keetha malaata doonan qonccisoona.
- ◆ Bee timirtte keetha suntha malaata doonan bessosona.
- ◆ Bee tamaarida malaatata go7ettidi bee timirtte keetha peysha yootosona.
- ◆ Bee tamaarida malaatata zaaretthosona
- ◆ Adhida wode qonccisiza peeshota go7ettidi haasa7a meegata medhdhosona.
- ◆ Tamaareti timirtte keethan tamaariza timirtte qommo malaata doonan bessosona.
- ◆ Aadhdhidayssa yootonne(tireka) maara nagidi qonccisota malaata doonan bessosona.
- ◆ Kaase maara kaallo meezetosona.

Shiisho hiilla

Ootho

Asttamaretoo, kaalliza yeththa tamaras gelanas dandda7iza yootoninne malaata doona kanddota qofan woththida hanon malaata doonan yexxite!

Nu dosiza timirtte keethaye
Nu dosiza timirtte keethaye
Eratetha illilo hiilla xunxxosoye.
Dumma siqqoy de7ees dosos
Awudekka doggekon miyen de7os.
Ciishazi pudhidi malli7o ayfe ayfides
Tuma dicadasa wogga (gitta) hanides.
Timirite keethaye ali7o malaalisiza gidadasa
Ufayssi siyetees dumma murtaan Yeeletas dichchas koyro denta gidadasa.
Dumethay lo7idi wurssethay injjettides
Dichchay aduqqidi ayfey bettidees.
Eratethay domethi po7issada
Ciililoy pudhidi kaxa ayfe ayfada
Ufayettida tuma allida
Nu timirtte keethaye dicca gida.

Yonas Mogos W/Tsadik

- ◆ Timirtte qommota qonccisiza (yootiza) malaata yooton erisitte
- ◆ Adhdhida wode tamarida kaarata bolla malaata doonan zaaretho oothosona.
- ◆ Taariketa maara akekkiidi nam77usinne cugan gididi adhdhida hanotata hanibessa ogen (medhon) malaata doonan shiishana mala oothitte.

- ◆ Medhdhi oothota oothana mala minththethitte.
- ◆ Adhdhida wode qonccisiza peeshota go7ettidi haasa7a meegata oothisitte.
- ◆ Malaata doona haasa7a eratetha dichchanne mlaata histtishe kushe ginde, kushe yegethi, qaaxo, medho, bessanne kushe bagga suuren gidana mala maddite, meezesitte.

Qofiso

Asttamaretoo, malaata doona kifile wode de7iza tamaronne tamarisso busa giddon haniza ay qaalanne ootho, qofa laametethi malaata doonaninne briradhdhe pidalen go7etitte!

Maado miishsha

- ◆ Timirtte keetha peyssha qonccisiza misileta.

Kaalli xeelo

- ◆ Timirtte keethan tamariza timirtte qommo suntha malaata doonan xeyggizayssa kaallitte.
- ◆ Timirtte keetha peyshay ay malatisan malaata doonan beso dandda7idayssa akekkitte.
- ◆ Tamaare kifile giddon oothiza qaaxota malaata doonan qoncciso dandda7idayssa kaallitte.
- ◆ Timirtte qommota qonccisiza malata go7ettiza xeellitte.
- ◆ Malaata doonan haasa7a hiilla (kihilotte) dichchanne malaata histtishe kushe ginde, kushe yegethi, qaaxota, medho, bessanne kushe bagga suuren gidana mala maddite, meezesitte.